

ցուածք մը քարով հիւսուած էր: Այն դուռը որմէ մտանք, կը թուի թէ յետոյ բացուած էր. մօմի լուսով հազիւ կրցանք այս-չափ տեղեկութիւն քաղել: Շէնքը այժմ վազճի է և կը վերաբերի իսլամաց: Աստուածատուր եպս.ի գրածին նայելով մինչև Սալահէտտին (ԹԲ. դար) այս եկեղեցին գոյութիւն ունեցած է եւ յետոյ խափանուած, և այս պարագան հաւանական կը նկատուի. վասն զի, ինչպէս գիտենք, Սալահէտտին Երուսաղէմի գըրաւումէն յետոյ շատ եկեղեցիներ մզկիթի եւ մէտրէսէի վերածեց, ինչպէս Ս. Յովակիմ և Աննայի հայոց վանքը և ուրիշներ. շատ եկեղեցիներ ու վանքեր ալ, իբր վարձատրութիւն պարգեւեց այն յաղթական զօրավարներուն՝ որ իրեն հետ պատերազմի մասնակցած էին. հաւանական է որ Գազաւոնի վանքն ալ նոյն վիճակին հանգրիպած է: Եկեղեցիին այս շէնքը առաջ խան է եղեր, յետոյ ձիթապտուղի շտեմարան և ի վերջոյ օճառի գործարան. այժմ գրեթէ պարտապէս: Իսկ շէնքին կից արեւմտեան ճանապարհին վրայ 35-40 տարի առաջ շինուած են վազճի կրպակներ, այնպէս որ եկեղեցիին շէնքը՝ ճանապարհի կողմէն աննշմարելի կը մնայ:

2. Ո՞վ շինեց Գազաւոնի վանքը.

Երուսաղէմի հայոց հին վանօրայք ընդհանրապէս կը յիշատակուին իրենց հիմնադիրներուն անունով, շատ քիչեր են որ իրենց իսկական անունով կը յիշուին, այդ քիչերէն է Գազաւոնի վանքը որ կը կրէ թէ հիմնադիրին եւ թէ վանքին անունը: Գազաւոն Կամսարական անուն մըն է. նոյն նախարարութիւնը ունեցած է Գազաւոն անուամբ երեք պատմական անձեր.

Ա. Գազաւոն, որդի Սպանդարտի, 386ին (Սորենացի Գ. ԽԲ).

Բ. Գազաւոն, որդի Հրահատի, 426ին (Սորենացի Գ. ԿԵ.).

Գ. Գազաւոն, հայր Զաւարակի, 2. դար (Գիորթ Թրորոց, էջ 74):

Պատմական պարագաները գիտելով՝ հաւանական չենք զրտներ որ Բ. և Գ. Կամսարական Գազաւոնները հիմնարկած ըլլան յիշատակուած վանքը, վասն զի անոնք հեռի կը գտնուէին յունական կայսրութեան սահմաններէն. աւելի շատ հաւանականութիւն ունի Ա. Գազաւոնը, նախ որ տղայութեան օրերուն քաղաքական պատճառներով իր մօրը հետ ապաստանած է յու-